

CICIKOANBÁDIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

**BÀALÓ KOANBÁLA TÁÁNLI
JÁGA DOAGIDIMA**

(PP-G N°013-2026)

Pengidiwende Silibeedi WEDIRAWOGO

Wagidugu, li binli 2026 cinaa dana 16

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, cinaa dana 16, alaamuda daali
ki cili leeri 9 yogunu ki ban gbeni leeri 11 leni miniti 50,
Kapitenni Ibirayimi TARAWORE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I. A JÁGA

I.1. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála táanli tàa **másienkaama tili yenli** ki goapegidi yaa másienkaama tili lanba n tié n°2025-1597/PF/PRIM/MEF, ban den ñani yaali li binli 2025, piiga n cilie dana 17 ki cilini Bulicina Faso loagi findima leni bi niba yema ñamu ligicàgili (FEBEDESİ Tonwogo).

FEBEDESİ Tonwogo ligicàgili tié mi diema nni ligicàga lele (07) táanma, ki pia tuonsoanba 409. Line másienkaama tili goalebidima baa teni laa tuonsoanba siiga ban gandi yaaba n dagidi FEBEDESİ Tonwogo tuona soanma pò ki gó teni yaa tuonsoanba n sieni mo n gúáni Bàáló saliwudo tuonsoandiedi pó. Laa lebidima bua ki bogini ñama laa ligicàgili tuonsoanba tuona.

Yaa másienkaama tili n tié ne táama baa teni ban fidi ki gúáni ki bogini ñama mi diema ligicàga.

I.2. TI DIEMA NIBA TUONSOANBA KOANBADIEGU KANI.

A Koanbála táanli tàa **másienkaama tili yenli** ki goapegidi yaa másienkaama tili lanba n tié n°2025-1558/PF/PRIM/MFPTPS/MEF, ban den ñani yaali li binli 2025, piiga n cilie dana 05 ki waani « U cógú, mi bangima leni li tuonli báama » tuonjaali mabilikaama tili.

Laa másienkaama tili goapegidima bua ki ñani ban súa ke yaala n tié bonpankaala li niinni.

Li boncànla yàala n tugi yùli mine másienkaama tili nni tié :

- ki pegidi ki teni yàala n den tié poadi yaa bila n ye leni ti gbannandi tadingu bonciala cógú cànbánba tuonli nni;
- ki luodi yaa sanbili n baa teni a bonwaala leni a biñinda cógicànbánba n yen tieni li titoali ki túa a bicegidikaana cogicànbánba;

- ki páa u sànú Liise leni Koolesinba cogidiena saliwudituona gobidikaaba yaaba n bua ki súagi liiga u cógú cànbánba tuona nni n yen tieni a bicegidikaana cógú cànbánba goandikaaba tuonli titoali ;
- ki páa u sànú ku gbanansaagu jeliti cógicànbánba n yen tieni ku gbanansaagu jeliti cógicànbáancianba tuonli titoali.

Laa másienkaama tili táama baa teni ban fidi ki bogini ñama yaa másienkaama tili n doagidi « u cógú, mi bangima leni li tuonli báama » tuonjaali mabilikaama tili sanbila ke li yegi leni ti koanbádiedi n bili yaa tuona Bàaló saliwudidiedi pò.

I.3. YAA KOANBADIEGU N DIE I LÀABÁALI, KU MÀÁSÙÀGU, I NII TAGIMA LENI YANLUADI GOADA TUONA KANI

A Koanbála táanli taa **másienkaama tila lie (02)**

Mi másienkaama tikpiali tié mi làabáalitenma tuonbuoli gagidima tili táama.

I làabáali tenma tuonbuoli pugidi boncianla Bulicina Faso nni ke li ñoadi leni enterineti leni mi tagima sani banma n luodi yaa sanbila mi làabáalitenma leni u loagu tuona findima pò. Laa findima teni ke mi tagima sani banma pugidi bu làabáalipaabu sanbila nni, ki gó teni ke bi nipanba lingi yogunu kuli i làabáali enterineti nni.

Àmá, i làabáali tenma sanbipàana nni, poadi tié ke mi diema nni làá pia yàa tili n gagidi ki waani i làabáali tenma tuonbuoli n tié yi. Lani yaama yaa ñani lieni, yàala n pugidi tié ke i làabáali tuonsoandiedi boncianla pia yèyenli, bi niba ki bani ñama yaaba n tié bi làabáali tuonsoanba ki gó pugini leni mi làabáalitenma bangima n ki tuugi canyi leni yaa tuona n ye.

Mine másienkaama tili sugini ki gagidi canyi i làabáali tenma tuoncàga buoli ke li ñoadi nani ti diema nni yaa tuona n bua moamoani, ki gó yegi leni li ñandunli nni lan bili màamà.

Yaa másienkaama tili n tié ne táama baa teni ban fidi ki bogini ɲama i làabáali tenma tuoncàga buoli ki gó teni mi gagidima n yaa ye a siiga.

Mi másienkaama tilieli tuugi leni ku màásùàgu tuoncàga buoli gagidima tili táama.

Ku màásùàgu tuona tié bi niba yema nni u loagu findima ñiali ki gó tié yaa sanbili n táandi bi niba. Laa tuona baa todi ban bangi bi nipanba mi yema tuadiɲama leni bi dankpeliba bogida.

Àmá, nani lan ki pia yaa tigobidikaana n pegidi ku màásùàgu tuona yeni, ke ku màásùàgu tuona bangikaani mo ki go dagidi, ki pugini leni ku màásùàgu tuonsoanbanda n ki tia ki yabi yeni, likuli táani ki tié ku màásùàgu tuonjaali pò poadi yo.

Laa másienkaama tili bua ki waani ku màásùàgu tuonjaali n pia yaa yaa tuoncàga buoli ke li tuugi leni ti diema nni leni li ɲandunli nni ban bili maama i tuonbuoli pò.

Laa másienkaama tili táama baa teni ti diema n bàà ku màásùàgu tuonjaali nni i tuonbuoli táanma tili ku màásùàgu tuonsoanba gobidiɲanma pò.

I.4. YAA KOANBADIEGU N DIE TI BUUDI TUONA KANI

A Koanbála táanli taa **másienkaama tili yenli** ki bolini :

- mi másienkaama tili yaali yaa lanba n tié n°2023-0290/PRES-TRANS/PM/MEFP/MJDHRI, ban den taa yaali li binli 2023, citaa dana 23 mars 2023 ki bàà ban dini yaaba li báli ke bi tùa mi diema nni bi niba n naaninni yàala bi yema nni càgili (SENEDEYASI) Gobidikaaba ;
- mi másienkaama tili yaali yaa lanba n tié n°2023-0841/PRES-TRANS/PM/MEFP/MJDHRI, ban den taa yaali li binli 2023, cilele dana 12 ki bàà ban dini yaaba li báli ke bi tùa mi diema nni bi niba n naaninni yàala bi yema nni càgili danba;

- mi másienkaama tili yaali yaa lanba n tié n°2023-0842/PRES-TRANS/PM/MEFP/MJDHRI, ban den táa yaali li binli 2023, cilele dana 12 ki bàà ban dini yaa púa li báli ke o tùá mi diema nni bi niba n naaninni yàala bi yema nni càgili Liigiyua .

Mi diema nni bi niba n naaninni yàala bi yema nni càgili tuonli tié ki teni nilo kuli n bandi wan naaninni yàala o yema nni, ki bogini ki gó guudi bi niba n naaninni yàala bi yema nni, ki todi Bàaló leni a jága táama o nisaalo n naaninni yàala o yema nni miidima tuada ya tieni yaa yogunu.

Mi diema nni bi niba n naaninni yàala bi yema nni càgili (SENEDEYASI) teni ke Bàaló leni u dógú nitaanbuoli yiin ki ye politikiki sànú nni yen táani ki boe ki gó soani yaa tuona n tuugi leni o nisaalo n naaninni yàala o yema nni. Yeni, laa càgili kpajali tié ki todi nilo kúli n bandi ki gó bàà wan naaninni yàala o yema nni ke gagidima bà kúli ki ye. Àmá li yùboanli tié ke ban kaani yaa càgili bi niba n naaninni yàala bi yema nni gobidima pò miidi yogunu kùli yaa másanbila n ye, ki teni ke laa càgili ki gó pia dugidi.

Yaa másienkaama tili n tié ne bua ki teni mi diema nni bi niba n naaninni yàala bi yema nni càgili (SENEDEYASI) yùlòlima (dugidi) n gúanì. Lani n teni ke moala ne bi táa li jagili ki gbeni yaa niba n den gobidi laa càgili báli kelima bi gbali ki gobidi li càgili nani lan bili màamà.

Mine másienkaama tili táama baa teni ban ñani yaaba n bi gobidi mi diema nni bi niba n naaninni yàala bi yema nni càgili moala ne li càgili nni, ki luodi u sànú nitoaba gandima pò.

I.5. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA KANI

A Koanbála táanli tùó **yaa tiwaankaali** n tuugi leni ban tieni yaa miabu ki bua Bàaló n paa u sànú ku koanbádiegu n pia yaa tuongagidikaana ki baa soani li binli 2026 pò n cili.

Laa tuongagidikaana yegi leni enterineti tuongbenga 12, ban sugini ki soani ya ne leni li binli 2030. Laa tuona n tié ne :

- mi tagima sani bandima i làabáali tenma tuonjaana nni bi nipanba pò ban yi yàala Eliti IT tuona soanma ;
- ki maa o domaatielo diegu ban yi yaagu « **Sama Cè** » mi sanma máama nni leni yaa tiadi n pundi ki bili laa diegu nni daama Bobo Julaso dógú pò, desiyonba 8 doñiana nni leni dobila 50 nni;
- ki pugini i làabáali boginma masina paalú ban yi ya mi bonpienma nni « datasanteeri » ;
- ki pugini mi diema saliwudidiedi nni mi làabáatenma sanbila (RESINA) paalú;
- ki pugini ti saliwudidiedi tuonsoanba leni bi todikaaba banma enterineti tuona nni .

Laa tuona ligi kúli táanma fii **miliyaadinba kobyia leni miliyonba kobiga n piiga n bitaa n tuda piilie (K 9 113 020 000) Sefaa ligi nni**. Laa ligi baa ña Bàaló ligikpagu nni, li binli 2026 tuona soanma pò.

I.6. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A Koanbála táanli tùò **tiwaankaana lie (02)**.

Li tiwaankakpiali tuugi leni ti kukundi tuonsoanjaali (SOFITEKISI) diedima.

Ki tuugi leni Bàaló n bàà yaa nunlema mi diema lebidima pò, Gufenema táa li jágili ki baa gúáni ki diedi boncéliandanba n kubi yàa biini kúli yàala n bua ki pundi kobiga yùli pò 5,537% ti kunkundi tuonsoanjaali SOFITEKISI ligijali nni.

Laa jágili pò, li binli 2025, bi den tùódi ki kpaagi ki biigi ki baa bandi SOFITEKISI tuonsoanjaali ligi n fii màamà. Laa kpaagima nni bi den súa ke

SOFITEKISI tuonsoanjaali ligi táanma bua ki pundi K 338 143 101 351, 2 Seefa ligi nni. Boncélidanba n kubi yaa biini SOFITEKISI tuonsoanjaali tié 976 400 ke likúli ligi taanma bua ki pundi K 75 026 057 544 Seefa ligi nni, lani n bundi ke biinyendu kuli ligi bua ki pundi K 15 368 Seefa ligi nni. Bi kpaagi ki súa ke SOFITEKISI tuonsoanjaali ligi táanma nni a pana yabi ke laa panligi pama mo náá go tié faala.

Leni laa bonla pò, ki gó pugini leni ban pia yaa sunginma ti kunkundi tuonsoanjaali findima pò, a Koanbála táanli taa li jaágili ki baa teni Bàaló n gúáni ki diedi SOFITEKISI tuonsoanjaali nni boncélidanba biini kúli lan tuá mi diema loagu, bi niba kúli yema ηamu pò.

Yaa másienkaama tili n tié ne táama baa teni Bàaló n bàà ki diedi canyi ki gó yaa gobidi SOFITEKISI tuonsoanjaali tuona.

Li tiwaankalieli tuugi leni **ban bogini yaa másienkaama tili** ki tùó Bulicina Faso nni ti kunkundi tuonsoanjaali (SOFITEKISI) mábilikaama tila.

Laa másienkaama tili táama baa teni Bulicina Faso nni ti kunkundi tuonsoanjaali n bàà yaa báli máama n dagidi li tuona cenli ηamu pò.

II. I LÀABÁALITENKE

II.1. Ti diema niba tuonsoanba koanbáli puni a Koanbála Táanli yaa làabáalu n tuugi leni li ñandunli nni o tuonsoanlo n yaa pia mi yànduanma leni li laafiali li tuonli pó daali boginma leni Afiriki dogi nni, mi tuonsoanbanma n baa fidi ki cúani yaa jalibu daali boginma li binli 2026, cinaa dana 27 Bobo Julaso dógú nni, Giriko desiyon nni.

Ban gandi yaa máyùli li ñandunli nni o tuonsoanlo n yaa pia mi yànduanma leni li laafiali li tuonli pó daali boginma pò tié : « **Tin moandi ki teni li tuonli pó bi tuonsoanba siiga yema n yaa mani.** » Afiriki dogi nni, mi tuonsoanbanma n baa fidi ki cúani yaa jalibu daali boginma pò mo yaa máyùli tié « **Afiriki dogi nni, mi tuonsoanbanma n baa fidi ki cúani yaa jalibu daali boginma pó, bina 30 puoli : ti baa ki se le, be n baa ki bua mi tuonsoanbanma jalibu guunli pò Afiriki dogi nni** ».

Ban lingi yàala laa danlieda bogida pò tié ki teni bi niba n yaa faami ki gó guu bi yùla yogunu kuli leni mi tuonsoanbanma n baa fidi ki cúani yaa jalibu i tuonsoankaani nni.

II.2. Li laafiali koanbáli den waani a Koanbála Taanli ban den bogini ki tieni bu konbu yiani lidima yaama li binli 2025, cilè ñmaalo yogunu n den cuoni màamà.

Li táanma, niba 2519 yaaba n den pia bu konbu yianu n den bàà mi lidima li binli 2025, desiyonba 16 nni. Mi lidima puoli, laa yama kúli gúáni ki bàà laafia.

Laa bonla doagidi Gufenema n tie yaa moandili ki bua ki wadi bi niba sancenli gi gó lidi bi niba fanma yàala n tié i tàátúoni yianu pò Bulicina Faso nni.

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

A. TI DIEMA YUDANCIAMO BADIDIEGU KANI

- O joa Mayikorema **SAKALI**, o tié u yogu togida cogicanbáa, bi dini o li báli ke o kua li cagili nni, yaali n pegidi mi diema nni, a niboana màásùàdi leni bi togida banma lingima Cógidiecianli ban yi yaali Farafina (IPENI-Farafina), Sayeli dogi tuginyenma cagili (AYESI) yeli nni.

B. KU CICIKOANBÁDIEGU KANI

- O joa Sibiri Alen **TARAWORE**, o tié ku gbanansaagu jelibuoli tuona findima tundikoa, bi dini o li báli ke o túà li koanbáli todikoa.

C. YAA KOANBADIEGU N DIE U LOAGU LENI I LIGI KUBIMA TUONA KANI.

- O joa Berinaari **KABIRE**, o lanba li tuonli nni tie **111 130 N**, o tié Bàaló ligi tuonsoandiedi tuona gobidikoa, bi dini o li báli ke o túà yaa koanbáli n todi ku koanbadiegu yaagu n diidi mi diema loagu leni i ligi kubima tuona ke ku puogili tie Bàaló bidise tuona tundikoa mi tuonbanma nni ;
- O pua Firansois Sidiwayan **SURE**, o lanba li tuonli nni tie **50 062 T**, o tié li lubili tuona Goandikoa, bi dini o li báli ke o túà li bonñokaala tagima tuonsoandiegu ESEN BARAFASO lubigaaba tundikoa ;
- O joa Inusa **WEDIRAWOGO**, o lanba li tuonli nni tie **59 861 W**, o tié li lubili tuona Goandikoa, bi dini o li báli ke o túà Bulicina Faso nni, bukpaabu tuonsoancagili« SOFA » lubigaaba tundikoa ;
- O joa Palingiwendé Parifè **ILIBUDO**, o lanba li tuonli nni tie **294 323 Y**, o tié Bàaló ligidiedi goandikoa, bi dini o li báli ke o túà ku gbanansaagu jeliti tuona leni bonceli danba làabáalitenma tuona ligicagili (FASEPE) ban yi yaali « Wasa Bondo » tiakubilo ;
- O joa Kasumu **BAKUAN**, o lanba li tuonli nni tie **223 907 M**, o tié a baana leni li kpaagibandili tuona tundikoa, bi dini o li báli ke o túà a tuonsoanjaciama gobidima leni a taanisoanma tuona Yudaano.

D. LI GUUNLI KOANBADIEGU KANI

- O joa Kirisi Sayuba Evirari **WEDIRAWOGO**, o lanba li tuonli nni tie **42 850 W**, o tié gadeforenba tuona goandikoa, bi dini o li báli ke o túà li koanbáli todikoa ;
- O joa Nongubisanga Berinari **BINGO**, o lanba li tuonli nni tie **42 875 T**, o tié gadeforenba tuona goandikoa, bi dini o li báli ke o túà li koanbáli todikoa ;
- O joa Sayidu Mahumudu **SORO**, o lanba li tuonli nni tie **47 807 V**, o tié gadeforenba tuona goandikoa, bi dini o li báli ke o túà ti tuonsoandiedi tuona goandikoa ;
- O joa Kawiba Musa **SIA**, o lanba li tuonli nni tie **46 063 K**, o tié gadeforenba tuona goandikoa, bi dini o li báli ke o túà ti tuonsoandiedi tuona goandikoa.

E. MI DIEMA NIBA TUONSOANBA KOANBADIEGU KANI

- O joa Abidulayi **WEDIRAWOGO**, o lanba li tuonli nni tie **28 138 B**, o tié a tinbuona tuona gobidikoa, bi dini o li báli ke o túà li koanbáli tundikoa mi tuonbanma nni.

F. YAA KOANBADIEGU N DIE I LAABAALI, KU MÀÁSÙÀGU, I NII TAGIMA LENI YANLUADI GOADA TUONA KANI

- O joa Atéridari Galipi **SOME**, o lanba li tuonli nni tie **98 281 Y**, o tié mi laabaalitenma tuona tundikoa, bi dini o li báli ke o túà Bulicina nni dajo leni télé tuona (ERITEBE) Yudanciamo ;
- O joa Boukali **NITIEMA**, o lanba li tuonli nni tie **88 786 F**, o tié mi laabaalitenma tuona tundikoa, bi dini o li báli ke o túà Bulicina nni dajo leni télé tuona Tidianyudaano;
- O joa Jan Mari **TOWE**, o lanba li tuonli nni tie **211 805 H**, o tié mi laabaalitenma tuona tundikoa, bi dini o li báli ke o túà li laabaali tili SIDIWAYA tuona Tidianyudaano ;

- O joa Yaya **SURA**, o lanba li tuonli nni tie **238 121 D**, o tié ku màásùàgu tuona tundikoa, bi dini o li báli ke o túà ku màásùàgu bonñuadikaala tagima tuona Yudaano.

G. YAA KOANBADIEGU N DIE TI BUUDI TUONA KANI

- O joa Moriba **TARAWORE**, o lanba li tuonli nni tie **130 333 M**, o tié Bujialo, bi dini o li báli ke o túà li koanbáli todikoa.

H. LI LAAFIALI KOANBADIEGU KANI

- O joa Serisi Jan-Batizi Bonto **YELEMU**, o lanba li tuonli nni tie **324 691 Y**, o tié a tinbuona tuona gobidikoa, bi dini o li báli ke o túà mi diema nni bi niba kuli laafialo logitola cogidieli Tidianyudaano ;
- O pua Térèsi Roseline Sidipayété **NANA**, o lanba li tuonli nni tie **52 113 H**, o tié ti yandi ti yandi buuma logitolo, bi dini o li báli ke o túà li tuonjaali yaali n diidi yaali n ye kuli laafialo ban yi yaali wannì Hiliti, Tidianlo ;
- O joa Bubakali **WEDIRAWOGO**, o lanba li tuonli nni tie **82 395 C**, o tié a logitodiena leni li laafiali tuona Gobidikoa, bi dini o li báli ke o túà li tuonsoanjaali yaali n todi bi niba tonma bi yianbuuli nni (SAMU) ligi leni li tuona gobidima Yudaano;
- O joa Sanfubaara Yasenti **SOME**, o lanba li tuonli nni tie **213 880 T**, o tié a logitodiena leni li laafiali tuona Gobidikoa, bi dini o li báli ke o túà Gawa logitodieciangu ligi leni ku tuona gobidima Yudaano.

I. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFU TUONA KANI

- O joa Tegi-wende Idirisa **TINTO**, o lanba li tuonli nni tie **255 514 L**, o tié yua n bani ki kpaagi ki tagi bonla leni enterineti, bi dini o li báli ke o túà li koanbáli tundikoa mi tuonbanma nni ;
- O joa Umalu **SÀNÚ**, o lanba li tuonli nni tie **92 326 B**, o tié yua n bani ki kpaagi ki tagi bonla leni enterineti, bi dini o li báli ke o túà mi diema tuonjaali yaali n guu ki faami i làabáali tuonsoantiadi po Yudanciamo ;

- O joa Aluuna **WATARA**, o lanba li tuonli nni tie **260 670 N**, o tié polisi komiseeri, bi dini o li báli ke o túà mi diema nni mi laabaalitenma tuona, enterineti leni telefoni findima tuonsoanjaali Yudaano ;
- O joa Alen Kirisian **BAMUNI**, o lanba li tuonli nni tie **78 21 079 A** (ARCEP), o tié a tisoankàana leni Bàaló ligi tuonsoandiedi tuona Gobidikoa, bi dini o li báli ke o túà a tisoankàana tuona Yudanciamo ;
- O joa Sié Magisimi **DA**, o lanba li tuonli nni tie **202 173 K**, o tié yua n bani ki kpaagi ki tagi bonla leni enterineti, bi dini o li báli ke o túà enterineti tuona Yudanciamo ;
- O joa Sibiri **TIEMUNU**, o lanba li tuonli nni tie **358 606 S**, o tié iniverisité cogicanbáa, bi dini o li báli ke o túà yaa tuonjaali n diidi li boncanla bandima, enterineti tuona leni mi banma buoli tuona bandiciamo.

J. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA KANI

- O joa Bagora **BADO**, o lanba li tuonli nni tie **237 911 G**, o tié ku gbanansaagu jeliti tuona cogicanbáa, bi dini o li báli ke o túà li koanbáli todikoa ;
- O joa Rasimane **WEDIRAWOGO**, o lanba li tuonli nni tie **91 665 L**, o tié Bàaló ligi tuonsoandiedi tuona gobidikoa, bi dini o li báli ke o túà li tuonsoanjaali Bulicina Yingi-Wisigire Meta ligi tuona gobidima Yudaano ;
- O joa Porosipeeri **KABORE**, o lanba li tuonli nni tie **207 647 X**, o tié iniverisité cogicanbáa, bi dini o li báli ke o túà ku gbanansaagu jeliti leni li yànkúáli jelibuoli findima tuona Yudaano ;
- O joa Kudugu Omaari **BAMOGO**, o lanba li tuonli nni tie **217 108 M**, o tié iniverisité cogicanbáa, bi dini o li báli ke o túà li yànkúáli jelibuoli findima tuona Yudaano ;

- O joa Niniotaari Noridini **KANBU**, o lanba li tuonli nni tie **257 388 Z**, o tié ku gbanansaagu jeliti tuona cogicanbáa, bi dini o li báli ke o túà ku gbanansaagu jeliti tuona sienu yu n yabi, tuona Yudaano ;
- O pua Ansèli **ILIBUDO/UBIDA**, o lanba li tuonli nni tie **98 204 V**, o tié ku gbanansaagu jeliti tuona cogicanbáa, bi dini o li báli ke ke o túà ku gbanansaagu jeliti nilo kuli po, tuona Yudaano ;
- O joa Tayi Abiduli Rasidi **NIÑAN**, o lanba li tuonli nni tie **18 83 K** (**SONABEL**), o tié a tuonɲama soanma tundikoa, bi dini o li báli ke o túà ku gbanansaagu jeliti fanwalingu waga deemili po tuona Yudaano ;
- O joa Abiduli Idirisa Kosi **KULIBÁLI**, o lanba li tuonli nni tie **245 840 P**, o tié ku gbanansaagu jeliti tuona cogicanbáa, bi dini o li báli ke o túà Sitadi Sénérali Abubakali Sangulé LAMISANA Yudaano ;
- O joa Yakuba **KONPAWORE**, o lanba li tuonli nni tie **245 832 T**, o tié ku gbanansaagu jeliti tuona cogicanbáa, bi dini o li báli ke o túà Kuriwewogo porovenso nni, ku gbanansaagu jeliti tuona Yudaano.

III.2. BAN DINI YAABA A BÁLA A TUONSOANJÀANA YELI PÒ

A Koanbála Táanli den báa ban dini yaaba a bála a tuonjaana tuona boginma pò:

- li tuonsoancagili Faso Mêbo, Bulicina Faso Yudanciamo badidiegu yèli nni;
- Bulicina Faso nni bukpaabu tuonsoancagili«SOFA » leni mi diema nni yaa tuonsoancagili n diidi barasinba leni u ñinkpidu tuona boginiñanma bu kpaabu po, yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona yèli nni ;
- Yaa tuonsoancagili n tiendi bi niba nunmu bandima tila (ONI), li guunli koanbadiegu yèli nni ;
- mi gobidima leni ti buudi bangima cogidiecianli ti diema nni (ENAMI), mi diema niba tuonsoanba koanbadieguyèli nni ;
- Faso farini tagima tuonsoandiegu(MINOFA), yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yèli nni ;
- mi diema nni, yaa tuonjaali n diidi i dociami nni, mi tinfanma leni a diena maama tuona boginiñanma leni a dieduankaana kubima tuonsoandiegu, u báadógú máama tuona koanbadiegu yèli nni ;
- mi diema nni, yaa tuonsoandiegu n tagi kuuran (SONABELI) yaa koanbadiegu n diidi kuuran tuona leni ki tinga tugu nni piama tuona yèli nni.

A Koanbála Táanli go den suagi ki dini li báli niyendo ke o túà Bulicina Faso nni bu kpaabu tuonsoancagili«SOFA » tuona boginma cagili Yudaano.

A. BULICINA FASO YUDANCIAMO BADIDIEGU

A Koanbála Táanli taa **másienkàama tiyenli** ki dini li báli o joa Beritiran **TOWE**, o lanba li tuonli nni tie **11 494 W**, o tié Polisinba tuona Goandikoa, o túà li tuonsoancagili Faso Mêbo tuona boginma cagili Gobidikoa Bàalo yèli po, yaa koanbadiegu n die mi diema tinbuona gobidima leni a sancena tuona yèli nni, o cici báli pò bina taa (03).

B. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA

A Koanbála Táanli taa **másienkàama tila taa (03)**.

Mi másienkàama tikpiali dini li báli yaa niba yaa yela n rúa ne ke bi tua Bulicina Faso nni bukpaabu tuonsoancagili«SOFA » tuona boginma cagili Gobidikaaba, Bàalo yèli po, bi cici báli pò bina taa (03).

Yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona kani :

- O joa Gawusu **SÀNÚ**, o lanba li tuonli nni tie **96 804 Z**, o tié bu kpaabu tuona bando;
- O joa Remi **PALE**, o lanba li tuonli nni tie **254 890 J**, o tié li kpaagibandili tuona tundikoa.

Yaa koanbadiegu n die u loagu leni i ligi kubima tuona kani :

- O pua Moniki Basenewendé **YARIGA/WEDIRAWOGO**, o lanba li tuonli nni tie **212 280 S**, o tié a tinbuona ñanbima leni a koajaana findima tuona tundikoa.

Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani :

- O joa Bilesi **BAMA**, o lanba li tuonli nni tie **343 589 Z**, o tié u loagu tuona tundikoa.

Yaa koanbadiegu n die a cogibigbenga cógú leni mi bancanma linginma tuona kani :

- O joa Abeli **TANKPANI**, o lanba li tuonli nni tie **348 111 J**, o tié lingido.

Bulicina Faso Yudanciamo badidiegu kani :

- O joa Amedi Soodinoma **SAKANDE**, o tié **Minteeligbeeli**.

Li guunli koanbadiegu kani :

- O joa Abu Bakali **KONPAWORE**, o lanba li tuonli nni tie **57 521 W**, o tié polisi komiseeri.

Yaa koanbadiegu n die mi diema tinbuona gobidima leni a sancena tuona kani :

- O joa Mwin-nogi-ti Luka **HIEN**, o lanba li tuonli nni tie **220 655 K**, o tié a tinbuona tuona gobidikoa.

Mi másienkàama tilieli dini li báli o joa Gawusu **SÀNÚ**, o lanba li tuonli nni tie **96 804 Z**, o tié bu kpaabu tuona bando, o túà Bulicina Faso nni bukpaabu tuonsoancagili«SOFA » tuona boginma cagili Yudaano, o cici báli pò bina taa (03).

Mi másienkàama titaali dini li báli o joa Rolan **KONATE**, o lanba li tuonli nni tie **046**, o tié i tinkundogi tuona bando, o túà mi diema nni yaa tuonsoancagili n diidi barasinba leni u ñinkpidu tuona boginma bu kpaabu po tuona boginma cagili Gobidikoa, Bàalo saliwuudo tuonsoanba yèli po, o cici báli pò bina taa (03).

C. LI GUUNLI KOANBADIEGU

A Koanbála Tánli taa **másienkàama tiyenli** ki dini a bála yaa niba yaa yela n ñua ne ke bi tua yaa tuonsoancagili n tiendi bi niba nunmu bandima tila (ONI), tuona boginma cagili Gobidikaaba bi cici bàli po bina taa(03).

YAABA N TUA A TUONA BOGINMA CAGILI GOBIDIKAABA BÀALÓ YÈLI PÒ

Yaa koanbadiegu n die ti diema leni dietoama siiga ñantaadi kani:

- O joa Dofini Oben **TIAHUNNI**, o lanba li tuonli nni tie **236 368 A**, o tié diema leni dietoama siiga ñantaadi tuona tundikoa, o túà o joa Alen Eduari **TARAWORE** lèbidu.

Yaa koanbadiegu n die ti buudi tuona kani :

- O joa Bakuli Bilesi **BASIE**, o lanba li tuonli nni tie **130 343 Y**, o tié Bujialo.

YUA N TUA A TUONA BOGINMA CAGILI GOBIDIKOA YAA TUONSOANCAGILI N TIENDI BI NIBA NUNMU BANDIMA TILA (O NI) YÈLI PÒ

- O joa Lasané **BARIGO**, o lanba li tuonli nni tie **260 931 D**, o tié polisi.

D. MI DIEMA NIBA TUONSOANBA KOANBADIEGU

A Koanbála Táanli taa **másienkàama tiyenli** ki dini li báli o joa Adama **BATORO**, o lanba li tuonli nni tie **97 424 K**, o tié a tinbuona tuona gobidikoa , o túà mi gobidima leni ti buudi bangima cogidiecianli ti diema nni tuona boginma cagili Gobidikoa, yaa koanbadiegu n die mi diema tinbuona gobidima leni a sancena tuona yèli nni, Bàalo yèli po, o cici báli pò bina taa (03), ki tua o joa Vikitorien Narisisi **WANGIRAWA** lèbidu.

E. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbála Táanli taa **másienkàama tiyenli** ki goa ki pandi o joa Siaka **SORI** báli, o lanba li tuonli nni tie **208 037 T**, o tié Bàaló ligidiedi goandikoa, o túà Faso farini tagima tuonsoandiegu(MINOFA) tuona boginma cagili Gobidikoa, yaa koanbadiegu n die u loagu leni i ligi kubima tuona yèli nni, Bàalo yèli po, o cici báli pò bina taa (03).

F. U BAADÓGÚ MAAMA TUONA KOANBADIEGU

A Koanbála Táanli taa **másienkàama tila lie (02)**.

Mi másienkàama tikpiali goa ki pandi yaa niba yaa yela n nua ne bàla ke bi tua mi diema nni, yaa tuonjaali n diidi i dociami nni, mi tinfanma leni a diena maama tuona boginijanma, tuona boginma cagili Gobidikaaba bi bàjuodikaali pò bina taa (03).

YUA N TUA A TUONA BOGINMA CAGILI GOBIDIKOA BÀALÓ YÈLI PÒ

Li guunli koanbadiegu kani :

- O joa Bonsiwendé **SANKARA**, o lanba li tuonli nni tie **111 493 G**, o tié Polisinbanba tuona Goandikoa.

Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani :

- O pua Kilarisi Eléonori **KIYELEMI**, o lanba li tuonli nni tie **ME00 052 004 F**, o tié u loagu kubima tuona bando.

Yaa koanbadiegu n die mi diema tinbuona gobidima leni a sancena tuona kani :

- O joa Idirisa **BARI**, o lanba li tuonli nni tie **212 177 V**, o tié a tinbuona tuona gobidikoa.

Yaa koanbadiegu n die u loagu leni i ligi kubima tuona :

- O pua Nenduanu Anni Filavi **BASOLE/KANKO**, o lanba li tuonli nni tie **119 277 R**, o tié Bàaló ligidiedi goandikoa.

YUA N TUA A TUONA BOGINMA CAGILI GOBIDIKOA MEERINBA KULI CAGILI BULICINA FASO NNI YÈLI PÒ

- O joa Arisèni **WEDIRAWOGO**, o lanba li tuonli nni tie **1104 2008 0001**, o tié li báli maama bando.

YUA N TUA A TUONA BOGINMA CAGILI GOBIDIKOA MI DIEMA NNI, YAA TUONJAALI N DIIDI I DOCIAMI NNI, MI TINFANMA LENI A DIENA MAAMA TUONA BOGINIDANMA YÈLI PÒ

- O joa Sayidu **BOLI**, o lanba li tuonli nni tie **372 630 Y**, o tié mu tinmu tuona ñanbima bandiciamo

Mi másienkàama tilieli goa ki pandi o joa Idirisa **WEDIRAWOGO** báli, o lanba li tuonli nni tie **111 063 P**, o tié li lubili tuona Goandikoa, o túà a dieduankaana kubima tuonsoandiegu tuona boginma cagili Gobidikoa, yaa koanbadiegu n die u loagu leni i ligi kubima tuona yèli nni, Bàalo yèli po, o bàjuodikaali pò bina taa (03).

G. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

A Koanbála Táanli taa **másienkàama tiyenli** ki dini li báli o joa Silibeeri **SONGO**, o lanba li tuonli nni tie **104 863 S**, o tiè Bàaló ligi tuonsoandiedi tuona gobidikoa, o túà mi diema nni yaa tuonsoandiegu n tagi kuuran (SONABELI) tuona boginma cagili Gobidikoa o cici báli pò bina taa (03), ki tua o joa Lasané WEDIRAWOGO lèbidu.



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima